

粵雅堂叢書

粵雅堂叢書

崇文總目卷二

宋 王堯臣等 編次

嘉定 錢 繹 輯釋

正史類

共三十部計二千一百六十二卷

繹按玉海引崇文目二千作一千誤今核計實二十九部二千一百三十二卷

史記一百三十卷 司馬遷撰裴駙集解

史記八十七卷 原釋唐陳伯宣注因裴駙說有所未

悉頗增損焉然多取司馬氏索隱以爲己說今篇殘

缺

見文獻
通攷

釋按此書本一百三十卷

史記音義十九卷

徐廣撰

釋按隋志通志略並十二卷宋志通攷並二十

卷唐志劉伯莊撰書錄解題宋志亦同

史記索隱三十卷

司馬貞撰

史記正義三十卷

張守節撰

原釋爲漢書學者此

最精博

見文獻
通攷

釋按通攷二十卷引原釋列是書之下然審其
文乃釋漢書中語不應在此今姑仍之今本散
附史記中亦作一百三十卷無單行本

漢書一百卷 班固撰

釋按今本一百二十卷

漢書問答五卷 原釋沈遵行撰采諸儒爲漢書說者

申釋其義有博聞之益然篇第頗差討求未獲闕列

傳以下諸篇

見文獻通攷

釋按通志略作沈遵撰

後漢書九十卷 范蔚宗撰

釋按隋志唐志通志略並九十七卷今本一百二十卷

志三十卷 司馬彪撰

釋按卽彪撰續漢書諸志也書錄解題作後漢志

新校史記一百三十卷 原釋余靖等校正

見天一閣鈔本

釋按以下三書原釋亦見三史刊誤條下

新校漢書一百卷 原釋余靖等

見天一閣鈔本

新校後漢書九十卷

原釋余靖等

見天一閣鈔本

三史刊誤四十五卷

原釋皇朝張觀等校定初祕書

丞余靖上言國子監所收史記漢書誤請行校正詔

翰林學士張觀知制誥李淑宋祁與靖洎直講王洙

于崇文院讐對靖等悉取三館諸本及先儒注解訓

傳六經小說字林說文之類數百家之書以相參校

凡所是正增損數千言尤爲精備逾年而上之靖等

又自錄其讐校之說別爲刊誤四十五卷

見文獻通攷

闕

見天一

閣鈔本

三國志六十五卷 陳壽撰

陳詩庭云讀書志作十五卷誤脫六字

晉書一百三十卷 房喬等撰

晉書音義三卷 何超撰

宋書一百卷 沈約撰 原釋其書雖諸志失于限斷

然有博洽多聞之益今世雖所傳文多舛失參補未

獲趙倫之傳一卷今闕謝靈運傳文注譌駁見文獻通攷

齊書五十九卷 蕭子顯撰

梁書五十六卷 姚察等撰

陳書三十六卷 姚思廉撰

後魏書一百三十卷 魏收撰 原釋齊天保中始詔

收撰魏史收博采諸家舊文隨條甄舉綴屬後事成

一代大典追敘魏先祖二十八帝下終孝靜作十二

紀九十二列傳十志析之凡一百三十篇而史有三

十五例二十五敘九十四論前後二表一啓然收詔

于齊氏言魏室多所不平至隋開皇中敕魏澹更作

魏史唐李延壽作北史並行于世與收史相亂因而

卷第殊舛今所存僅九十餘篇

見文獻通攷

後魏紀一卷

原釋隋魏澹撰

見天一閣鈔本

初高祖以魏收

書褒貶失實平繪中興事叙事不倫詔澹別成魏史

澹斷自道武下迄恭帝爲十二帝紀七十八列傳史

論及例目錄一篇合九十二篇退東魏孝靜帝稱傳

矯正收繪之失收天子名則書太子名則諱澹諱皇

帝名書太子自收諱太武獻文之弒使同善終天年

澹顯書之以懲逆收書敵國皆曰死澹曰卒體裁簡

正帝甚善之然世以收史爲主故澹書亡闕今纔紀

一卷存

見文獻通攷

釋按澹書隋志一百卷舊唐志唐志並一百七
卷北史本傳九十二卷蓋九十二篇每篇爲卷
也其後以太宗紀補收書之缺全書旋亡故今
惟存此一卷

後周書五十卷 合狐德菜撰

北齊書四十九卷 李百藥撰

釋按唐志讀書志書錄解題宋志及今本並五
十卷

魏書天文志二卷 原釋唐張太素撰魏書凡百篇今

悉散亡唯此二篇存焉

見文獻通攷

繹按舊本二譌作一今校改宋志作後魏天文志四卷誤今本亦二卷補後魏書之闕

隋書八十五卷

魏徵等撰

唐書一百三十卷

原釋唐韋述撰初吳兢撰唐史自

創業訖于開元凡一百一十卷述因兢舊本更加筆削刊去酷吏傳爲紀志列傳一百一十二卷至德乾元以後史官于休烈又增肅宗紀二卷而史官令狐峘等復于紀志傳後隨篇增緝而不加卷帙今書一

百三十卷其十六卷未詳撰人名氏

見文獻通攷

唐書二百卷

劉昫等撰

五代史一百五十卷

薛居正等撰

原敘昔孔子刪書上斷堯典下迄秦誓著爲百篇觀其堯舜之際君臣相與吁俞和諧于朝而天下治三代以下約束賞罰而民莫敢違攷其典誥誓命之文純深簡質丁寧委曲爲體不同周衰史廢春秋所書尤謹密矣非惟史有詳畧抑由時君功德薄厚異世而殊文哉自司馬氏上採黃帝迄于漢武始成史記之一家由漢以

來千有餘歲其君臣善惡之迹史氏詳焉雖其文質不同要其治亂興廢之本可以攷焉

見歐陽文忠公集

釋按以上原卷九

編年類

其三十八部計五百七十九卷

釋按玉海引宗文目同今核計實六百六卷

前漢紀三十卷

荀悅撰

後漢紀三十卷

袁彥伯撰

漢春秋一百卷

胡旦撰

原釋闕

見天一閣鈔本

漢春秋問答一卷

胡旦與門人撰

原釋闕

見天一閣鈔本

三十國春秋三十卷

蕭方等撰

晉春秋畧二十卷

杜延業撰

釋按書錄解題引中興書目作杜光業

太清紀十卷

原釋梁王韶撰起太清元年盡六年初

侯景破建鄴韶西奔江陵士人多問城內事韶不能

人人爲說乃疏爲一篇問者卽示之元帝聞而取讀

曰昔王韶之爲隆安記言晉末之亂離今亦可以爲

太清紀矣韶因爲之然其議論皆謝之矣又韶希帝

旨撰述多非實錄

見文獻通攷

繹按太清上應有梁字隋志紀作錄八卷

魏典三十卷

原釋唐太常少卿元行沖撰起道武帝

終宇文革命凡三十篇孝武入關則書東魏爲東帝

並載兩國事爲凡例微用編年之法文約事詳學者

宗之行沖以族出于魏刻意論著引魏明帝時西柳

谷瑞石有牛繼馬後之象舊史謂元帝本出牛氏行

沖以爲非因言道武名犍繼晉受命此其應也特爲

論載于篇

見文獻通攷

釋按宋志作後魏典畧

三國典畧三十卷 原釋唐汾州司戶參軍邱悅撰以

關中鄴都江南爲三國起西魏終後周而東包魏北

齊南總梁陳凡三十篇今卷第多遺自二十一以下

卷闕

見玉海藝文類及文獻通攷

釋按通志畧宋志並二十卷

五運錄二十卷 原釋唐曹圭撰起三皇迄隋年世之

略

見文獻通攷闕見天一閣鈔本

釋按唐志十二卷宋志作曹元圭五運圖十二